



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De  
Contractibus

**Antoine, Paul-Gabriel**

**Ingolstadii, MDCCXXXIII.**

**VD18 90392159**

Q. 2. Quænam conditiones requiruntur ad legitimam præscriptionem?

**urn:nbn:de:hbz:466:1-40993**

non ad puniendam negligentiam prioris Domini, sed ob predictos fines ad bonum commune spectantes, & quietem civium, ac familiarum, & ad excitandam diligentiam, & curam possessorum circa bona sua, cap. 5. de Praescript. Hinc licet retinere rem legitimè praescriptam, etiamsi postea cognoscatur fuisse alterius, nisi tamen prior Dominus perjudicem restitutatur in integrum: quæ restitutio conceditur Minoribus, qui habent jus eam petendi toto quadriennio à die, quo Majores facti sunt. Idem Jus Ecclesiaz, & aliis piis locis conceditur per quadriennium à die, quo Ecclesia novit praescriptionem bonorum suorum, ex cap. 1. de restit. in integrum in §. & interdum conceditur etiam Majoribus ob justas causas. Post Sententiam autem judicis est obligatio in conscientia res praescriptas restituendi, quia justa est, nec nititur falsa presumptione, sed legibus ita disponentibus.

*Q. 2. Quænam conditiones requiruntur ad legitimam prescriptionem?*

*Resp.* Quatuor, videlicet possessio, bona fides, titulus, & continuatio possessionis cum bona fide per tempus lege definitum.

1. Requiritur possessio, ex Reg. 3. Jur. in 6. Sine possessione praescriptio non procedit; & ex l. 25. ff. de usucap. Sufficit autem possessio civilis. Hinc usufructuarius, conductor, feudatarius, &c, non possunt rei proprietatem

præ-

præscribere, cùm rem non possideant suo nomine, sed solum nomine directi Domini; item nec colonus, nec is, qui ab eo agrum emisset absente, & ignorantे Domino; quia civilis possessio manet apud Dominum absentem, quamdiu retinet animum possidendi, vel donec sciat rem suam ab alio occupatam, nec audeat eum repellere. Licet autem, qui per alium possidet, v. g. per colonum, possit præscribere, non tamen is, qui alieno nomine possidet: quia qui alterius nomine possidet, non est verè possessor, sed aliis per eum possidet.

6. Requiritur bonafides, ex Reg. 2. Jur. in 6. *Possessor malæ Fidei ullo tempore non præscribit:* alioquin furta, & injuriæ foverentur, iisque via aperiretur. Hæc debet perseverare toto tempore ad præscribendum requisito, ut constat ex Conc. Lateran. Gener. 4. cap. 41. relato in cap. ult. de præscript, ibi. *Quoniam omne, quod non est ex fide, peccatum est, synodali judicio definitus,* ut nulla valeat absque bona fide præscriptio tam Canonica, quam civilis; cùm generaliter omni constitutioni, atque consuetudini derogandum, que absque mortali peccato non potest observari. Unde oportet, ut qui præscribit in nulla temporis parte rei habeat conscientiam alienæ. Bona autem fides hic est persuasio, quâ quis prudenter judicat rem esse suam, & à se licite retineri: nam (ut notat Lessius) si quis ex ignorantia crassa, aut affe-

ctata,

Do-  
om-  
ami-  
cu-  
Pre-  
oræ-  
e al-  
cem  
on-  
ten-  
acti  
on-  
lesia  
ex  
ium  
fas.  
o in  
quia  
lle-  
egi-  
fi-  
um  
16.  
ex  
lio  
eu-  
em  
æ-

Etata, vel ex inordinata cupiditate existimat rem esse suam, vel non esse alienam, non est bona fides. Duplex hic bona fides distinguitur. 1. Cum quis prudenter judicat rem esse suam, & haec requiritur ad inchoandam possessionem: nam qui inchoat possessionem dubitans sitne res sua, an aliena, ex communi, non est bona fidei possessor; ideoque non procedit prescriptio, donec deposito prudenter dubio possessionem inchoet: quia nulla est ratio, cur ipse potius rem possideat quam alter, ac proinde eam sibi vindicans, facit injuriam alteri; nec ejus conditio est melior quam conditio alterius. 2. Cum quis post diligentem inquisitionem veritatis nescit, nec judicat probabilius rem, quam habet, esse alienam, ideoque judicat se posse ut suam retinere. Hac juxta multos sufficit ad continuandam possessionem, quia ut quis post inchoatam bona fide possessionem perseveret esse possessor bona fidei, satis est, quod post diligentem inquisitionem non habeat rei alienae conscientiam, ex Conc. Lateran. cit. & ex S. August. in cap. Si virgo, 34. q. 1. Tamdiu quisque bona fidei possessor rectissime dicitur, quamdiu se possidere ignorat alienum. Cum vero scierit, nec ab aliena possessione recesserit, tunc male fidei possessor prohibetur. Hinc justè injustus possessor vocabitur. At dubitans num res sit aliena, vel sua, non habet conscientiam rei alienae, & ignorat se possidere alienum. Deinde possessio bona fidei

fide inchoata est ratio sufficiens ad rem fibi  
retinendam, donec probetur esse alienam:  
quia *in pari causa potior est conditio possidentis.*  
Reg. 65. Jur. in 6. Possessor autem, cum du-  
bitare incipit, tenetur diligenter exquirere  
veritatem: qua diligenter investigata, si per-  
severet dubium, potest juxta multos determi-  
nate, & prudenter judicare se posse rem ut  
suam retinere; eò quod intali dubio melior  
est conditio possidentis: sed sine tali judicio  
non potest rem illam retinere; nam si dubi-  
tans an res sit sua, simul dubitet an liceat fibi  
eam retinere, non continuat possessionem bo-  
na fide; l. 32. ff. *de Usucap.*

Hinc 1. Leges civiles statuentes præscri-  
ptionem triginta, & quadraginta annorum  
procedere etiam cum mala fide, abrogatæ sunt  
Jure Canonico, ut patet, ex Conc. Later. cit.  
& cap. 5. *de Præscript.* 2. Si creditor certo  
tempore non exigat a te debitum, licet postea  
ei denegetur actio in judicio, non tamen præ-  
scribis contra illum, si non debitus; sed te-  
neris solvere totum debitum, nam habes con-  
scientiam debiti quod tu sponte teneris sol-  
vere, & sic cares bona fide ad præscribendum.  
Si quis tamen invincibiliter ignoret debitum,  
vel prudenter putet solutum suisse, potest illud  
præscribere spatio triginta annorum cum illa  
bona fide. L. 3. Cod. de Præscript. 30. vel  
40. an.

*Not.* Ignorantia Juris saltem clari etiam in-  
culpa-

culpata, ex communi, impedit præscriptio-  
nem saltem ordinariam: ut si acceperis ali-  
quid à Pupillo sine Tutoris auctoritate, igno-  
rans invincibiliter eam requiri, non præscri-  
bis. Secùs de ignorantia facti invincibili, ut si  
ignores eum esse pupillum, currit præscriptio  
*ex l. 4. ff. Dejuris, & facti ignor. ibi. Juris igno-  
rantiam in usucapione negatur prodeesse, facti verà  
ignorantiam prodeesse constat.* De ignorantia in-  
vincibili juris dubii controvertitur. Imò juxta  
multos invincibilis ignorantia juris clari non  
obest præscriptioni à triginta, vel quadraginta  
annorum; quia jura loquuntur de præscri-  
ptione ordinaria, quæ tribus, vel decem, vel  
viginti annis expletur, cùm illa sola, inquit  
Lessius, cognita sit jure Digestorum, unde  
jura citata desumpta sunt.

3. Requiritur titulus coloratus, sive appa-  
rens, qui scilicet putetur probabiliter verus,  
licet sit falsus, ut cùm intervenit causa de se  
apta ad transferendum dominium, v. g. dona-  
tio, venditio, &c. Sed ex latente aliquâ causâ  
fuit invalida. Constat ex utróque jure *ex l.  
Usucapio. cod. de usucap. &c. cap. 17. de præ-  
script.* nam sine titulo non potuit esse bona fides  
initio possessionis. Ad præscriptionem  
tamen longissimi temporis, nempe triginta,  
vel quadraginta annorum, præsumitur titulus  
præcessisse: quia difficilius probatur, qua-  
ratione inchoata sit possessio tam longo tempore  
durans, nisi juris præsumptio sit contra præ-  
scribentem.

Dixi

Dixi, *coloratus*, nam titulus verus, seu validus sufficit sine præscriptione ad transferendum dominium secuta traditione. Quare cum in l. cit. requiritur titulus verus, & in cap. cit. justus, utraque hac voce intelligitur causa de se apta ad transferendum dominium, quamvis re ipsa sit invalida ob aliquem defectum occultum.

4. Requiritur possessio cum bona fide continua per totum tempus lege definitum, quod tempus diversum est pro diversitate rerum præscribendarum; nam ex communi, res mobiles possessione triennali cum titulo præscribuntur, *Instit. de usucap.* Sed sine titulo requiruntur triginta anni: quia res immobiles contra privatum præscribuntur triginta annis sine titulo: ergo idem censeri debet de mobilibus, cum nihil aliud de his statutum sit absente titulo.

Ad præscribenda bona immobilia contra Ecclesiam Romanam requiruntur centum anni, contra aliam Ecclesiam, vel Hospitale, vel Monasterium, vel pias causas, quadraginta anni ex Authentica, *Quas actiones. cap de SS. Ecclesiis.* Ad præscribenda vero immobilia privatorum, cum titulo requiruntur decem anni inter præsentes, & viginti inter absentes. *Institut. de usucap.* sine titulo requiruntur triginta anni, ut colligitur ex l. 3. *Cod. de prescr. triginata vel quadraginta annorum*, & ex c. 3. *de Præscript.* ubi dicitur res præscribi possessione tri-

*Tom. II.*

F

ginta

ginta annorum, nulla facta mentione tituli. Si autem Dominus fuit partim præsens, partim absens, tot anni sunt adjiciendi, quot abfuit, ex Authenticâ *quod si.* Cod. de præscript. longi temp. ita ut duo anni absentia computentur tantum pro uno anno præsentia. Unde si præsens fueris octo annis, & postea in alieno territorio habites, ut res immobilis præscribatur contra te, requiruntur adhuc quatuor anni. Res autem quælibet Minoris non præscribitur nisi triginta annis.

Dixi, *sine titulo*, supple, qui probetur, nam tunc præsumitur præcessisse. Quare ad præscribendum requiritur titulus coloratus, vel qui probetur, vel qui præsumatur præcessisse.

*Not.* 1. Præsentes hic dicuntur ii, qui in eodem territorio, licet non in eadem civitate, habitant, absentes, qui in diversis territoriis. 2. In hac materia tempus breve dicitur, quod est minus decennio. Longum est spatum decem annorum inter præsentes, & viginti inter absentes. Longissimum triginta, vel quadraginta annorum; immemoriale vero, cuius initii non existat memoria etiam apud seniores. 3. Bona mobilia sunt res corporales, quæ loco moveri possunt, ut animalia, vestes, pecunia, &c. Ad hæc revocantur debita, & actiones, quæ ex rebus mobilibus competunt. Immobilia sunt quæ loco moveri non possunt, ut domus, fundus, &c. Ad quæ reducuntur res incorporeæ, ut jura, servitutes, census, usufru-

Tructus, Beneficia; Item debita, & actiones,  
quæ ex rebus immobilibus competunt, aliá-  
que jura ad illa spectantia.

**Q. 3.** *An qui bona fide accepit aliquid ab auctore  
malæ fidei, potest illud præscribere?*

**Resp. I.** Hæres qui bona fide aliquid ab au-  
ctore malæ fidei accepit, nunquam potest il-  
lam præscribere: est communis, ex Instit. de  
usucap. & l. II. ff. de divers. temp. præscript.  
ibi: *Cum hæres in jus omne defuncti succedit, ig-  
noratione sua defuncti vitia non excludit.* Quia  
hæres in jure censetur una persona cum de-  
functo, succeditque uti in omnia jura, ita etiam  
in omnes obligationes reales, & onera: unde  
cum defunctus ob injustitiam contraxerit ob-  
ligationem rem mala fide possessam restituend-  
i, hæres in hac obligatione succedit. Item  
*Vitia possessionum à majoribus contracta perdu-  
rant, & successorem auctoris sui culpa comitatur.*  
**L. II.** cod. de acquir. & retin. poss.

**Resp. II.** Qui rem bona fide ab auctore ma-  
læ fidei accepit alio titulo, quam hæreditatis,  
puta donationis, emptionis, legati, &c. potest  
eam præscribere tempore ordinario. Est com-  
munis, ex l. 5. ff. de Divers. temp. præscript. Ex-  
cipiuntur duo casus. 1. Si res sit immobilis,  
& ille contra quem præscribitur, ignoret eam  
ab alio possideri, tunc enim ad præscribendum  
requiruntur triginta anni ex Authent. *Malæ  
fidei*, cod. de præscript. longi temp. 2. Si res